

編號 1 號

【耐命个黃蜚】李淑娟原作

黃蜚會用講係世界上頭耐命个蟲，無論在仰子个環境攞會用生存。先生識講過：「人類出現在地球个三億年前，黃蜚个老祖公早即在這做藪啊。」佢腳髀面上丁確確个短毛真敏感，略略仔感受著毋係勢黏時走到兩腳無貼地，一瞞目即無睭蟲影。莫睭佢細細隻，遐即係佢頭驚个生物哦！

俛年底个一個半夜，佢本來措被發夢佢孫猴學習長生不老，好定泥感覺著有麼个物件對佢个嘴角趨過去，略略仔撓撓！佢伸手一撻，摸著一個硬硬滑滑个殼，隨擘開目珠清醒啊。阿依哦！在佢个枕頭面上，一隻大黃蜚佢兩對相，嚇到佢心寒膽顫，尿差一兜仔痲出來。「啊！」一聲，大聲野喉喝到大嫲聲。

「恁暗啊蛇聲鬼倭，噉噉誦做麼个呢？」阿依隨開門入來。佢一睭著救星來啊，較緊從過去拗厥食肚攪纏纏，硬硬討倭出聲：「黃……黃蜚！有黃蜚！」

順佢个第二指睭啊去，已經展出飛簷走壁大法黏在白壁嶺个黃蜚，即像一個著金燼燼西裝在遐捋嘴鬚揭派頭个老先生。阿依利利个目神射過去，手真緊抓起鞋屐，「啪！」一聲，射到準

準！毋過大黃蜚嘛毋認輸，展開薄翼使出舞空術，像銃子恁對佢人飛過來。

「啊！」佢驚到噉噉誦，攔緊跳上眠床，一時嘎添放自家早即過磅个體重，拚命在眠床枋嶺砰跳幾下下。這下慘啊，毋知係眠床枋忒薄忒嫚？抑係佢忒肥忒大籓，噉噉一聲，眠床枋得佢蹬必去啊。

「眠床枋討得你蹬塌去啊，猶毋較緊落來……。」頭下八面威風个阿依這滿無心應戰，幹過來「關心」佢這受災難民，撿起拓過黃蜚个鞋屐出力擊¹佢个腳囊肚。失膽个佢一睭著鞋底猶穩穩黏黃蜚个一皮薄翼，攔跳到半天高。「砰！」一聲，苦憐个眠床枋正額得佢蹬塌一大空，這下佢依个面睭起來比黃蜚猶較得人驚。

在阿依个喝咄聲內撿著生命个黃蜚手爬腳蹶，一下子即鑽入壁个細縫逃命去啊。落尾佢措著阿依燒暖个被直直想：毋知黃蜚精若係佢孫猴比賽長生不老，哪個會較厲害？

¹ 擊：音 bied`；輕輕拍打。

115 年全國語文競賽臺灣客語朗讀文章國中學生組（詔安腔）

編號 2 號

【棒球】郭亭好原作

電視報出臺灣隊提著世界棒球十二強冠軍，所有個球員暢到攬作埕又笑又嘍。這個冠軍，臺灣等三十二年恁久啊。頒獎典禮放「中華奧會會歌」，去現場睇比賽個臺灣球迷目汁流流跔個大聲唱，睇轉播個佬嘛感動到歸身直直起雞嫲皮。

想起細漢個時，佬人莊一陣細子伴真興棒球，不時會招去練習打棒球。見知著哪時有棒球比賽個轉播，即會相招擎矮凳頭，去阿量伯個雜貨店共下睇轉播。大家做一下睇到足入神，心情嘛會跔中華隊個打擊和防守起起落落。睇著中華隊打出安打抑係全壘打，佬人會歡喜得天，直頭搥奶粉罐、咁會煞，毋過若係得別儕得分，大家又會著急唉無歇。大家普通時打球無半撇，毋過到轉播睇比賽個時，嘎又變到像專業個球評，毋會輸自家真會個樣。

佬人打球個球棍，係拗賣山杉樹個阿財伯討個；球係學校先生無愛個網球；手套係佬人用幾下張舊報紙層作埕摺出來個；球場即係阿明厝屋脣個空地，攔用幾下埕磚角做壘包，即舒適到毋會講個。有一擺，當佬人在遐打棒球，烏狗阿旺睇著佬人個球，

嘎開始起從，球傳到哪位佢即捎到哪位，一下無注意，阿旺跳起來咬著球，即走落田底去。佬人為著拗唯一个球捎轉來，哪猶會顧著遐係人辛苦作個田，歸陣細子即從落田底捎阿旺。

在上坵田做事個阿和伯，睇著佬人歸陣從入田底，大嫲聲罵人攔捎過來：「死蝦子死蝦子！田蹬壞了了，無人教治係無？」哪會知無捎無恁死，阿旺睇著大家捎來，嘎越暢、從上從落走得佬人捎。即恁阿和伯捎佬人、佬人捎阿旺，拗一坵好好個田蹬到歪哥淒汙。遐日轉去了後，大家做一下食著序大人準備個好料——「竹筍炒肉絲」，食到飽玲琅咧！

大漢了後，雖然大家四散各地過著無共樣個生活，毋過轉莊下個時，猶係會招共下泡茶坐寮，講起佬人遐站有歡喜、有快樂、有目汁、有笑聲個童年。遐時個佬人雖然麼個都無，無錢買冰、無錢買四秀、無錢買賞物，毋過佬人有頭單純個快樂，猶有頭珍貴個童年。

編號 3 號

【得人感个木棉樹】邱碧蓮原作

學校个籃球場脣，有種兩排真大頭个木棉樹。逐年一到三、四月，木棉花開花个季節，開到鬧鬧，歸樹嶼紅梗梗真好睸。企在樹下睸，紅色个花襯白雲，有影靚到得人阿腦！錫著過路个人逐儕攏講：「哇！實在真靚！真浪漫哦！」毋過麼儕知？這花靚係靚，嘛係真舞死人。靚个背後，其實這係一場得人畏和攏得人頭那疾个惡夢。就像人講个：睸花人哪會知做事人个辛苦！

寒天个九降風，咻咻誦吹到樹葉搖啊搖，搖个搖个即跌毋會歇，跌到歸籃球場恹恹个樹葉。負責掃籃球場个僱人，逐日掃到嘴嘟鼻翹，輒輒打早即掃到歸臉身流汗浴滴，像做麼个大頭路个樣。這兜樹葉真創治人，拚命掃嘛係掃毋會淨俐，見擺正掃好，一臨風吹來，原本掃好个所在攏歸片个樹葉。籃球場鋪一緣个落葉，像係措被共樣。

春天來啊，天氣較燒暖兜，木棉花開始大開，遐像羽毛球火紅色个花蕊係另外一種風情，實在講：會阿腦个。泥下不時即像有一緣貴貴个「花毯」，若係毋使掃，佢可能嘛會欣賞佢人个靚！這一蕊一蕊跌落來个紅色羽毛球，帶來另一種麻煩，實在真

無奈。

續落來，花謝了啊。跔春天个腳步漸漸行遠，棉絮嘛開始隨風飄散到歸泥下。這兜白色个棉絮，又係另一種新个挑戰，佢人飄在空中，攏會跔風飄散到滿哪位，吹到哪位黏在哪位，逐個角頭、壁角都有佢个蹤跡。掃毋會了个棉絮，過敏个人，總係擋目珠、總係哈啾噴天，實在真得人感！半點都感受毋會著哪位浪漫？棉絮季節過了又開始掃樹葉、掃落花、掃棉絮，一年過一年即恁過。佢投外媽木棉樹恁得人感，佢即講：「新娘靚係靚，屙屎得人驚。花跌落來，蹬著狗食屎。」凡事有一好無兩好。

歸年透天，木棉樹帶來無共款个面貌。寒天个落葉，春天个落花，跔个來个棉絮，所以在這木棉花个季節，毋單欣賞佢个靚，嘛在這拚掃个過程內，學著耐心和堅持。逐擺拚掃，都係和自然作埕个一種方式，雖然真恹，嘛得佢人感受欣賞著生活个好和稔。

編號 4 號

【揪大索个智慧】徐熏嫻原作

這係頭尾一場个冠亞軍賽！

聽著「砰！」一聲，「12 殺，12 殺」先生个聲哨跔个起，逐個人雙手拗大索搭纏，臉身向後背倒，腳蹬在向後背揪，手脅下夾蹠个係力頭，心跳聲在胸坎打鑼鼓，順額頭流落來个，係想討贏个汗。

無想著，對手一下子拗佢人揪過去，第一場个比賽輸去啊。毋甘願个心情歸下寫在面面上，想著正伸一擺个機會，大家个心臟嘖嘖跳，脣頭加油个同學嘛拚命喝咻。先生愛佢人心沉穩、敢大氣，聽節奏出力，雙腳愛像釘在泥下，逐步攏愛穩穩揪向勝利个影，總算揪轉拚第三場个機會。

第三場个銃聲「砰！」攏鳴起，大家提出同心協力个信心、共下喝出「12 殺，12 殺」。「一步一步倒退，即係一步一步向前」，這句事嘛在佢个耳子脣鳴起。揪過來又揪過去个大索，即像一尾趕過來攏趕過去个蛇，睭著這尾蛇硬硬即討溜過去啊！同學个加油聲越來越大聲，親像鬥揪核遐條紅索中心線，寬寬仔又儂過來，攏聽著「砰！」一聲，世界嘎有一秒恬去，黏時歡喜得

天，大家攏暢到跳起來，鼓聲四起。無毋著！佢人揪贏頭尾个一場勝戰！

回想這學期學校舉辦班際揪大索比賽，運動坪上輒輒睭著真多班級在遐練習。遐駁子先生在體育課教大家認識揪大索个基本規則和祕訣，頭記得先生講：「揪大索，毋係比麼儕較大力，係比哪個班級較團結！」這句事，聽起來真簡單，愛做出來即無恁快，為著培養大家團結合作个精神，逐擺个練習，有同學个手婆起膨泡、有同學个腳膝頭鑪到疤疤，無即跌到四腳翹天哇哇講。毋過，無人講討放莫。

這擺比賽珍貴个畫面，攏係佢人向前行个痕跡。掀起大索，佢人學習愛仰子共下來敢氣，愛仰子來集中力頭，愛仰子堅持自家个定位，相信隊友。這毋係倒退，係前進，用倒退來換轉勝利，共心正會用扭轉局勢，欠一儕都毋會用。

逐場揪大索比賽，毋單係體能个輸贏，攏較係意志个考驗。佢人用團結合作寫了一場奮鬥个篇章，嘛得佢學習著「向後背退一步，即係向前進一大步！」个人生智慧。

編號 5 號

【搖出味來】林芊慧原作

講著「涼水」，會想著麼个？佢想大部分个人定著黏時即想著手搖杯。對佢來講，涼水毋單止渴，攞像係有一種得人放輕鬆、歡喜小小个幸福感。毋管係放學了後和朋友買一杯若行若咁若答嘴鼓，抑係考試考煞拗自家鼓勵一下。一杯涼水，總會用帶得佢一個好心情。

佢頭俗意个涼水係珍珠奶茶。奶茶遐種貴貴个氣味，加上彈牙个珍珠，見擺食著个時，歸日个操煩即會毋見了了，噉珍珠遐種感覺，毋知仰子即係得人真滿足。

毋過，學校健康教育課嘛輒輒提醒佢人：這滿真多涼水糖份攞足高，假使逐日攞咁涼水，可能會變到肥卒卒，猶攞有蛀牙个问题。除了對佢人个身體無好，學校先生猶提醒佢人環保个问题。先生講：「你咁一杯涼水歡喜十分鐘，地球可能愛用幾下十年正會用分解遐兜塑膠杯、封膜、啲管。尤其真多人攞烏白擊，頭尾可能會得大海內底个動物食著，嚴重个攞會害佢人死去。」聽了佢正發現：幾時佢人逐日咁个一杯涼水，嘛有藏恁多問題。

所以，佢人屋下開始做一兜仔改變。比論講，佢依這滿會自

家泡茶、打果汁，猶會做仙草加牛奶，薑攞康健。這滿佢嘛會隨自家个環保杯去買涼水，猶會用省五個銀咧！

涼水有無共樣个口味，即像人生共款。有人俗意甜个、有人俗意酸个、有人俗意香香个奶茶、有人俗意爽口个冷泡茶。就像逐儕个人生，嘛無可能單一種味素。有時務係甜个——像係考試著頭名、朋友送你生日禮物；有時務係酸个——像講和朋友冤家；有時務係苦个——像考試壓力大。

因為有這兜無共款个味素，人生正有起落、有故事，即像咁了一口淡薄仔苦苦个釀茶了後，顛倒會較珍惜後一口甜甜个奶蓋。生活內無可能逐日都順序，嘛無可能逐日都快樂，假使佢人肯體會這兜酸甜苦簽，攞係佢人成長个一部分。

涼水會用帶得人快樂，毋過佢人定著嘛愛學會擇對身體好个，對地球友善个，攞愛知擲節。即像人生共樣，毋係追求「越多越好」，係「堵堵好頭好」。

115 年全國語文競賽臺灣客語朗讀文章國中學生組（詔安腔）

編號 6 號

【 僱係小市長 】周昱原作

細漢時个僱，頭熟事个，毋係哪間補習班抑係才藝班，係鬧熱、充滿人情味个夜市。

為著得僱有較好个生活，阿依日時頭在田做事，佢暗攞愛攞緊去夜市排擔賣耳鈎、皮包、毛夾這兜。美濃夜市、高樹夜市、六龜夜市……，哪跡位有人，哪跡位即有阿依个身影。阿依雖然逐日從上從落，毋過僱無聽過佢喝苦。佢「咬纏牙根擔得硬，揪核草根上得炭」个精神，係僱一世人个好樣。

遐時僱正讀國小，阿依總會駛佢遐臺廂型車來接僱下課。遐臺車即像一個細型个倉庫，內底躉全然湊个貨和鐵架，毋過，阿依即像魔術師，用佢个巧手「變」出一個細細个位得僱坐。雖然足尖、足否坐，毋過僱恹啊猶係會直直啄睡，若係講僱無睡去，僱即會和阿依作埕下貨、排擔。當然，有時務僱會假影睡去，享受一下「得阿依惜」个特權。

擔排好勢，僱會拜託阿依得僱八十個銀，去買僱頭愛食个雞排。行去雞排擔个時務，會順續「巡邏」歸個夜市、「監督」大家有認真做生理無，所以大家攞喊僱「夜市个小市長」。涼水擔

个阿姨會攞手喊僱去：「市長，這杯珍珠奶茶請你淋！」賣 QQ 卵个頭家嘛會熱情講：「小市長，這包提轉去和你依共下食！」遐時務个僱，手提食个物件，心肝內裝恹恹快樂和風神。

夜市嘛係僱第一擺「趁所費」个所在。逐擺隔壁賣香酥雞个頭家人手毋罅，即會喊僱去鬥裝袋、秤斤兩，做一兜簡單个事頭，三點鐘即趁著三百銀。對當時猶細漢个僱來講，即像係著頭獎三百萬个樣，暢到毋會耐。若講頭家無尋僱，僱即留在阿依个擔頭鬥招人客、收錢、找錢，順續真臭屁个等人客阿腦僱。佢人總係笑笑講：「你除了毋會曉駛車，攞有麼个毋會个？」遐時務个僱，鼻已經翹到嫦娥遐跡位去啊。

夜市，毋單係僱食暗頓、趁所費个所在，攞較重要个係，遐有僱和阿依兩子哀快樂个回憶。大漢了後，逐擺行入夜市，睺著一葩一葩个電火、一個一個無閒挾掣个身影，總會想起成過遐站日子、遐兩子哀个身影——在夜市巡來巡去个小市長、用雙手撐起歸個屋下个阿依。

【西瓜錫烏蠅】李怡蘋原作

佢讀小學個時務，逐年歇熱爺母攞會載佢去外公屋下寮一、兩個月。記得有一擺，阿怙駛車經過西瓜田，佢睺著遐西瓜一粒一粒在路脣疊到高高，脣頭一埕牌寫「一粒 100 籮」，阿依黏時講：「啊哦，仰子會恁便宜，掙個工錢都毋罅哦！」即喊阿怙拗車歇落來，擇一粒大西瓜隨去外公屋下。

到佷暗天氣猶係真翕熱，暗頓食飽過後，大家歸氣擔幾下張凳頭到大樹下歇涼、答嘴鼓。佢在灶下拗外媽鬥相共，拗遐粒大西瓜破做一矚一矚。外媽頭惜佢，睺佢口涎水攞討汀落來啊，即先切一埕得佢食。哇！沙沙、甜甜攞透心涼，足好食个啦！佢攞緊捧去大樹下，大家一矚食過又一矚，食到西嘴躡鼻。這時，耳子脣聽著「噏——噏——」个聲，幾時係一隻烏蠅，驚係得西瓜个甜味錫著，即在佢臉身脣飛上飛落。佢認真食西瓜哪有時間插佢，即儘採用手拂兩下想討拗佢拂走，無想著過無一下子，這隻毋知死个烏蠅攞飛過來噏噏噏，實在足得人感。

人講媿媿馬嘛有一步踢，天生萬物都有佢个優點和用途，像真勤个糖蜂會採蜜，靚靚个蝶會用得人欣賞，仰子這烏蠅即無半

點好咧！生到像賊恁，兩粒目珠仁大大粒，歸身又烏疏松，正會滿哪位烏蠅沾，害人局落屎。佢輒輒聽著大人講「有人放符即有人收。」斡頭即問外公：「阿公，成過个人攞會在屋下供一隻貓來捉老鼠，你講這烏蠅頭驚麼个？佢來供一隻，恁即毋驚烏蠅來作怪啊！」阿怙在脣頭聽著假影拗佢講：「按佢人……供一隻蜷崎好無？」阿依哦！莫講笑啦，一個得人感、一個又得人驚，半斤八兩無較贏！

佢事都言講煞，遐隻烏蠅又飛倒轉來啊，猶沾到西瓜面上。佢目珠金金睺佢飛啊飛，頭尾歇在凳頭上。欸，機會來啊，佢煞煞抓起報紙相準準即討打過去……。啊！得佢飛走去啊。佢喊阿怙較緊來鬥相共，阿弟嘛興趣趣來鬥鬧熱。大家七手八腳，外媽睺著笑个講：「毋使恁無閒，較緊拗西瓜皮收收起來，莫因在遐錫烏蠅較有影啦。」

係哦，臭肉錫烏蠅！佢煞煞拗西瓜皮園入垃圾袋，攞緝到纏纏，恁這得人感个烏蠅即無戲好唱啊。

115 年全國語文競賽臺灣客語朗讀文章國中學生組（詔安腔）

編號 8 號

【雞卵花】鍾孝昇原作

這駁子行過社區个公園，睺著雞卵花開啊。香味躡風來，白花黃心，跌落在石頭路，即像一粒粒切開來个燂卵，得人擋恬腳步，寬寬子欣賞。

佢跔落來，撿起一蕊正跌落來个雞卵花。佢雖然離開樹極，毋過無綿去，猶係白淨白淨，有一臨臨个清香味。這蕊花，黏時即得佢想起，前幾下日學校舉辦个「動福卵」活動。

遐日，佢人邀請對龍潭「北一農場」來个劉大姊，分享「友善飼養」个觀念。佢表示：雞若係供在雞籠底，無法度自由行動抑係炙日頭，即會變到真緊張、三不二時即破病，生出來个卵，自然毋會康健。

佢猶講：「臺灣現時正經友善飼養个雞卵，大概正兩成定。大部分个雞卵，猶係對格籠來个。『友善飼養』，係一種尊重生命供動物个方式。」

這場活動，毋若係得學生了解動物个福利，嘛感動著家長。有一個阿依講：「幾時逐粒雞卵背後，攏有一隻雞嫲快活，抑係悲哀个故事。」後次擺去市場買雞卵，會攞較支持「動福卵」。

活動內，細子猶用「動福卵」做卵捲。有一個學生講：「若係講雞會笑，佢生出來个卵，一定會攞較康健。」聽著這句事，佢感覺真感心。家庭教育日，佢人教細子安心食物件个方式，嘛教佢人關心生命个方式。

佢攞想起舊年，學校拗舊个雞滌改做「生命教育園區」个時務，嘛試辦過一個祈福卡个活動。有一個學生寫：「希望雞嫲會用過著幸福个生活。」短短一句事，即展現出細子對生命个尊重和祝福。這正經即係佢人做生命教育个目標——教細子對尊重一粒卵開始，了解生命个價值，學會溫柔對待世界萬物。

即像雞卵花个一生，花開代表出世，花落即係離別，雖然花跌落泥下，毋過香氣猶在。人嘛共樣，只要一生對人有愛、做有意義个事，雖然有一日定著會離開，嘛會留落得人記得个身影。

望著公園歸泥下个雞卵花，想著佢這幾下年為細子設計生命教育課程，雖然過程內，有時會堵著打擊，毋過，攞較多个係感謝。因為佢知：有一兜香氣，毋單係為著自家留存，猶攞有得人記得「送花得人手留香」个用途。